



Ports, Past and Present Calafairt, Inniu agus Inné Porthladdoedd, Ddoe a Heddiw

Cyfarwyddiadau i Awduron ac Artistiaid

Mae tîm 'Porthladdoedd, Ddoe a Heddiw' yn cynnig 12 bwrsariaeth gwerth £5,000 yr un (neu'r cywerth mewn ewros) i greu gwaith creadigol a fydd yn cyfrannu at nodau ac amcanion y prosiect hwn a gynhelir gan nawdd yr UE.

Trosolwg o'r Prosiect

Ariennir y prosiect gan Gronfa Datblygu Rhanbarthol Ewrop trwy Raglen Gydwethredol Cymru-Iwerddon. Byddwn yn tynnu ar ymchwil academiaidd a phartneriaethau cymunedol er mwyn datblygu cyfleoedd newydd i dwristiaeth rhwng pum tref borthladd ar y naill ochr i Fôr Iwerddon, sef Dulyn, Rosslare, Caergybi, Abergwaun a Doc Penfro, ynghyd â chymunedau arfordirol eraill cyfagos.

Nod y prosiect yw dod â bywyd a lliw i'r pum porthladd, gan ychwanegu at brofiad teithwyr modern o bob oed a diddordeb, ac annog pobl i dreulio rhagor o amser a gwario mwy o arian yn y trefi hyn. Byddwn yn gwneud hyn trwy gydweithio â chymunedau lleol a chyda rhanddeiliaid yn y diwydiant ymwelwyr i gynyddu ymwybyddiaeth twristiaid sy'n pasio drwyddo o hanes arbennig y manau hyn.

Bydd timau'r prosiect yn darparu gwybodaeth mewn sawl gwahanol fformat, gan gydweithio ag awdurdodau'r porthladdoedd, cludwyr trafndiaeth, asiantaethau twristiaeth, ac artistiaid ac awduron lleol i ddatblygu safleoedd / golygfeydd / traffig newydd ar gyfer ymwelwyr, ac i gomisiynu gweithiau creadigol yn y celfyddydau gweledol ac mewn llenyddiaeth a ffilm. Byddwn yn defnyddio technoleg ddigidol, yn cynnwys apiau a chyfryngau cymdeithasol, i ddod o hyd i gynulleidfaoedd newydd. Bydd yr Wyddeleg a'r Gymraeg yn ganolog i holl gynnwys y prosiect.

Arweinir y prosiect gan Goleg Prifysgol Corc ar y cyd â Phrifysgol Aberystwyth, Canolfan Uwchefrydiau Cymreig a Cheltaidd Prifysgol Cymru (Y Ganolfan Geltaidd) a Chyngor Sir Wexford.



Gwaith Creadigol

Yn rhan o'r prosiect, byddwn yn comisiynu chwe awdur a chwe artist gweledol i'w lleoli yng Nghymru ac Iwerddon. Bydd gofyn iddynt weithio gyda chymunedau'r trefi porthladd a staff y prosiect i fynd i'r afael â straeon a themâu sy'n berthnasol i hanes a diwylliant y pum tref a'r teithiau a wnaed ohonynt ar draws Môr Iwerddon. Yna, bydd y gwaith creadigol a fydd yn deillio o'r ymchwil a'r ymgysylltu hwn yn cael ei arddangos yn lleol ac yn ehangach fel y bo'n briodol, gyda chefnogaeth tîm y prosiect, ac mewn rhai achosion, partneriaid lleol. Y gobaith yw y bydd peth o'r gwaith a gynhyrchir yn cael ei arddangos yn barhaol yn yr ardaloedd eu hunain – mewn llyfrgelloedd lleol, canolfannau treftadaeth, yn nherfynellfeydd y porthladdoedd neu mewn gorsafoedd rheilffordd, er enghraifft. Bydd atgynhyrchiadau neu gyfryngiadau o'r gwaith yn cael eu cynnwys mewn un neu ragor o gyhoeddiadau a fydd yn dogfennu'r gwaith a'r broses creadigol.

Pwrpas y gwaith fydd gwella gwybodaeth a gwerthfawrogiad cymunedau lleol o hanes a diwylliant y pum tref borthladd a'r mordeithiau iddynt ac ohonynt, ac, ar yr un pryd, gynyddu potensial twristaidd y mannau hyn, gan annog ymwelwyr i dreulio mwy o amser yn dod i adnabod y trefi a'r ardaloedd o'u cwmpas.

Yn ystod y broses o wneud y gwaith, bydd artistiaid yn cymryd rhan mewn gweithdai cyhoeddus neu ddiwyddiadau a drefnir gan dîm y prosiect. Bydd prosiect 'Porthladdoedd, Ddoe a Heddiw' hefyd yn comisiynu cyfres o ffilmiau byr, ac anogir gwneuthurwyr y ffilmiau i gydweithio â'r artistiaid a'r awduron. Rhoddir chefnogaeth a chyhoeddusrwydd i'r gweithgareddau a'r digwyddiadau hyn gan dîm y prosiect, a byddant yn cael eu cynllunio mewn modd a fydd yn helpu i godi proffil yr awduron a'r artistiaid, yn lleol ac yn ehangach.

Rhagwelir y bydd ystod eang o wahanol fathau o awduron ac artistiaid gyda setiau o sgiliau amrywiol yn cymryd rhan yn y prosiect. Anogir yr artistiaid a'r awduron i gydweithio â'i gilydd fel y bo hynny'n briodol i'w gwaith a'u lleoliadau. Dylent ddangos gwerthfawrogiad o ardal Môr Iwerddon a'i harwyddocâd i'r cymunedau arfordirol.

Themâu

Mae tîm y prosiect wedi nodi nifer o grwpiau a sefydliadau penodol a fyddai'n awyddus i gydweithio ag artistiaid neu awduron; gellir ymholi am ragor o wybodaeth ynglŷn â'r rhain. Croesewir cynigion yn ymwneud ag unrhyw un o'r themâu canlynol, neu unrhyw thema arall sy'n berthnasol i'r prosiect:

- **Symudiadau pobl ac anifeiliaid:** gwaith, hamdden, mudo, pererindod
- **Tywydd ac amgylchedd:** newid hinsawdd, bywyd gwylt, llongddrylliadau
- **Gwleidyddiaeth y môr:** rhyfel ac ymerodraeth, Môr Iwerddon fel gofod pŵer; pensaernïaeth y porthladdoedd; ffiniau, trethi, Brexit.
- **Cyflyrau meddwl a chorff:** cyffro, ofn, salwch y môr, diflastod, cariad a cholled

Ffioedd a Threuliau

Telir bwrsariaeth o £5,000 (neu'r cywerth mewn ewros) mewn dau randaliad, y cyntaf ar ôl dechrau'r gwaith, a'r ail wedi ei gwblhau.

Amserlen

Rhwng Mehefin 2020 a Rhagfyr 2021 fydd y cyfnod gweithgaredd. Gellid gwneud y gwaith fesul cam dros y cyfnod i gyd, neu mewn un cyfnod byr o weithgaredd, neu ragor nag un. Gwahoddir artistiaid i gymryd rhan mewn digwyddiadau ac arddangosfeydd cysylltiedig hyd at ddiwedd cyfnod y prosiect (Hydref 2022).

Proses Ymgeisio

Ffrâm Amser

- Dyddiad Cau Cam Un: 20 Mawrth 2020 (caiff yr ymgeiswyr a fydd wedi cyrraedd y rhestr fer eu hysbysu erbyn 3 Ebrill)
- Dyddiad Cau Cam Dau: cyflwyno cynigion cyn diwedd Ebrill 2020 (caiff y 12 ymgeisydd llwyddiannus eu hysbysu erbyn 22 Mai)
- Cyfnod Gweithgaredd y Prosiect: Mehefin 2020 – Rhagfyr 2021

Cam Un: Mynegi Diddordeb

Gwahoddir artistiaid ac awduron i gyflwyno darn byr (tua 500 gair) yn nodi'r rhesymau am eu diddordeb yn y prosiect, ac i ddarparu datganiad personol (CV) cryno gydag enghreifftiau perthnasol o waith blaenorol. Gweler isod am fanylion cyswllt.

Meini prawf ar gyfer y dethol yng Ngham Un

- Hanes da, ac ansawdd gwaith blaenorol
- Y gallu i ymgysylltu â chymunedau
- Perthnasedd i themâu'r prosiect

Cam Dau: Gwahodd Cynigion

Bydd yr ymgeiswyr a fydd wedi llwyddo i gyrraedd y rhestr fer yn derbyn gwahoddiad i ddatblygu cynigion manwl ar y cyd â thîm y prosiect a grwpiau cymunedol (lle y bo hynny'n berthnasol). Rhoddir arweiniad pellach ar y pryd, ond dylai'r cynigion gynnwys:

- natur a chwmpas y gwaith arfaethedig
- awgrymiadau ar sut y gallai'r gwaith gael ei brofi a'i arddangos
- natur a chwmpas yr ymgysylltiad â chymunedau lleol

Y dyddiad cau ar gyfer mynegi diddordeb yw 20 Mawrth 2020.

Mae'n bosibl y byddwn am gyf-weld ymgeiswyr, neu gynnal ymweliadau stiwdio, fel rhan o'n proses o ddethol a phenderfynu. Caiff yr ymgeiswyr llwyddiannus eu hysbysu erbyn 22 Mai 2020.

Croesewir cynigion a fydd yn cynnwys defnydd o'r Gymraeg a'r Wyddeleg.

Anfonwch eich darnau yn mynegi diddordeb at gydlynnydd prosiect 'Porthladdoedd, Ddoe a Heddiw',
Dr Sarah Baylis, yng Nghanolfan Uwchefrydiau Cymreig a Cheltaidd Prifysgol Cymru:
sarah.baylis@cymru.ac.uk

Am ragor o wybodaeth am y prosiect 'Porthladdoedd, Ddoe a Heddiw', gweler ein gwefan:
<http://portspastpresent.eu/>
Twitter: @PortsPastPres

Os oes gennych ymholiadau anffurfiol ynglŷn â'r bwrsariaethau, mae croeso i chi gysylltu â:

mcrampin@cymru.ac.uk (cyfarwyddiadau i artistiaid)

mary-ann.constantine@cymru.ac.uk (cyfarwyddiadau i awduron)